

Քաղ. Երևան

24 01 2024 թ.

Հայաստանի Հանրապետության էկոնոմիկայի նախարարությունը, ի դեմս գլխավոր քարտուղարի պարտականությունները կատարող Ժաննա Զաքարյանի (այսուհետ՝ պետական մարմին), որը գործում է պետական մարմնի կանոնադրության հիման վրա, մի կողմից, և «Գյուղատնտեսական ծառայությունների կենտրոն» պետական ոչ առևտրային կազմակերպությունը, ի դեմս տնօրեն Գառնիկ Հովհաննիսյանի (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2003 թվականի դեկտեմբերի 24-ի «Հայաստանի Հանրապետության պետական բյուջեից իրավաբանական անձանց սուբսիդիաների և դրամաշնորհների հատկացման կարգը հաստատելու մասին» N 1937-Ն և 2023 թվականի դեկտեմբերի 28-ի N 2323-Ն որոշումը՝ (այսուհետ՝ որոշում), 1116 «Անասնաբուժական ծառայություններ» 2024 թվականի ծրագրի (այսուհետ՝ ծրագիր) շրջանակներում իրականացվող 11005 «Հայաստանի Հանրապետությունում խոշոր եղջերավոր կենդանիների համարակալման և հաշվառման» միջոցառման իրականացման նպատակով կնքեցին սույն պայմանագիրը (այսուհետ՝ պայմանագիր) հետևյալի մասին.

## 1. Պայմանագրի առարկան և գինը

1.1. Սույն պայմանագրով պետական մարմինը պարտավորվում է ծրագրի իրականացման նպատակով պայմանագրի 5.1 կետով սահմանված կարգով կազմակերպությանը հատկացնել որոշման 1116. «Անասնաբուժական ծառայություններ» ծրագրի 11005. «Հայաստանի Հանրապետությունում խոշոր եղջերավոր կենդանիների համարակալման և հաշվառման» միջոցառմամբ նախատեսված՝ 136,034.400 (հարյուր երեսունվեց միլիոն երեսունչորս հազար չորս հարյուր) դրամ գումար (ներառյալ ԱԱՀ-ն) ՀՀ դրամ, իսկ կազմակերպությունը պարտավորվում է ծրագիրն իրականացնել որոշմամբ և պայմանագրով սահմանված կարգով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են պայմանագրի N 1 հավելվածում:

## 2. Կողմերի իրավունքները և պարտավորությունները

### 2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2. որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և Կազմակերպությունից պահանջելու վճարել պայմանագրի 6.2 կետով նախատեսված տուգանքը.

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ՝ պայմանագրով սահմանված կարգով և ժամկետներում չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին.

2.1.4. պայմանագիրն ՀՀ օրենսդրությամբ կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

## **2.2. Կազմակերպությունն իրավունք ունի՝**

2.2.1. իրականացված միջոցառման արդյունքը պետական մարմնի կողմից ընդունվելու դեպքում պահանջելու վճարել իրեն հասանելիք գումարը.

2.2.2. պետական մարմնի կողմից գումարները չվճարվելու դեպքում միակողմանի լուծելու պայմանագիրը և պահանջելու հատուցել իրեն պատճառված վնասները:

## **2.3. Պետական մարմինը պարտավոր է՝**

2.3.1. ծրագրով նախատեսված դեպքերում աջակցել կազմակերպությանը.

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել ծրագրով նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել պայմանագրի 4.2 կետում նշված ժամկետում:

Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և պայմանագրի պահանջներին, ապա դրանք ընդունվում են:

## **2.4. Կազմակերպությունը պարտավոր է՝**

2.4.1. իրականացնել ծրագրի շրջանակներում պետական մարմնի կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում.

2.4.2. պայմանագրով նախատեսված ֆինանսական միջոցներն օգտագործել ծրագրով և (կամ) պայմանագրով սահմանված նպատակներով ու չափաքանակներով.

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները.

2.4.4. սույն պայմանագրով սահմանված կարգով պետական մարմին ներկայացնել միջոցառումների իրականացման մասին՝ Հայաստանի Հանրապետության ֆինանսների նախարարի 2019 թվականի մարտի 13-ի N 254-Ն հրամանով հաստատված ձևով (ձև Հ-2, Հ-4 Հ-8 և տեքստային) եռամսյակային և տարեկան աճողական հաշվետվություններ մինչև հաշվետու ժամանակաշրջանին հաջորդող ամսվա 10-ը, իսկ ծրագրի ավարտից հետո՝ ամփոփ դրամաշնորհային հաշվետվություն՝ համաձայն N 2 հավելվածի.

2.4.5. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.

2.4.6. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝

պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները.

2.4.7. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

2.4.8. Պայմանագրով սահմանված միջոցառումների տարեկան արդյունքները թերակատարելու դեպքում, դրա արդյունքում առաջացած գումարները վերադարձնել ՀՀ պետական բյուջե՝ մինչև տվյալ բյուջետային տարվա դեկտեմբերի 22-ը:

2.4.9. Սույն պայմանագրով նախատեսված միջոցառումների տարեկան արդյունքներն ընդունվելուց հետո առաջացած տնտեսումները (խնայողությունները) կազմակերպությունը վերադարձնում է Հայաստանի Հանրապետության պետական բյուջե՝ արդյունքն ընդունվելուն հաջորդող տասը աշխատանքային օրվա ընթացքում, բայց ոչ ուշ, քան մինչև դեկտեմբերի 22-ը:

2.4.10. Սույն պայմանագրի 1.1 կետում նախատեսված գումարում ներառված ավելացված արժեքի հարկի գծով հատկացումները չեն կարող ուղղվել այլ նպատակների և չօգտագործված գումարները 2024 թվականին ենթակա են վերադարձման ՀՀ պետական բյուջե:

### **3. Մոնիթորինգը**

3.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

### **4. Պայմանագրի արդյունքի հանձնման և ընդունման կարգը**

4.1 Պայմանագրի արդյունքն ընդունվում է պետական մարմնի և կազմակերպության միջև հանձնման-ընդունման ակտի ստորագրմամբ:

Մինչև պայմանագրով ստանձնված պարտավորությունների կատարման համար նախատեսված օրը ներառյալ կազմակերպությունը պետական մարմնին է տրամադրում իր կողմից ստորագրված՝ հանձնման-ընդունման ակտը (հավելված N 4) և հաշվետվությունը: Ընդ որում կազմակերպությունը հանձնման-ընդունման ակտը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին:

4.2 Եթե իրականացված միջոցառումը համապատասխանում է պայմանագրի պայմաններին, պետական մարմինը պայմանագրի 4.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 5 աշխատանքային օրվա ընթացքում

ստորագրում և կազմակերպությանն է տրամադրում իր կողմից ստորագրված հանձնման-ընդունման ակտը:

4.3 Եթե իրականացված միջոցառումը կամ դրա մի մասը չի համապատասխանում պայմանագրի պայմաններին, ապա պետական մարմինը չի ստորագրում հանձնման-ընդունման ակտը և պայմանագրի 4.2 կետում նշված ժամկետում կազմակերպությանը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի կիրառման դեպքում պետական մարմինը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է պայմանագրով նախատեսված պատասխանատվության միջոցներ:

4.4 Եթե պայմանագրի 4.2 կետով սահմանված ժամկետում պետական մարմինը չի ընդունում պայմանագրի 4.1 կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և պայմանագրի 4.2 կետով սահմանված վերջնաժամկետին հաջորդող աշխատանքային օրը պետական մարմինը կազմակերպությանն է տրամադրում իր կողմից ստորագրված հանձնման-ընդունման ակտը:

## 5. Վճարման կարգը և ժամկետները

5.1. Կազմակերպությանը վճարումները կատարվում են հաշվետու ամսվա փաստացի հաշվարկված ծախսերի վերաբերյալ մինչև հաջորդող ամսվա 5-ը ներկայացված ծախսերի կատարման հայտի (հաշվարկ-բացատրագրի) (հավելված N 7)՝ համապատասխան Ծրագրի ծախսերի նախահաշվի (հավելված N 6), և հանձնման-ընդունման ակտի (հավելված N 4) հիման վրա՝ Պայմանագրի վճարման ժամանակացույցով (հավելված N 3) նախատեսված չափերով և ամիսների:

5.2 Պայմանագրի 1.1 կետում նշված գումարից՝ մինչև **0 (զրո)** << դրամը, պետական մարմինը փոխանցում է կազմակերպության գանձապետական հաշվին՝ որպես կանխավճար: Կանխավճարի մարումն իրականացվում է հանձնման-ընդունման ակտերի հիման վրա կատարվող վճարումներից նվազեցումներ (պահումներ) կատարելու ձևով:

## 6. Կողմերի պատասխանատվությունը

6.1 Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2 Պայմանագրի NN 1 և 5 հավելվածներում նշված ծրագրին չհամապատասխանող պարտավորություն իրականացնելու յուրաքանչյուր դեպքում կազմակերպությունից գանձվում է տուգանք՝ պայմանագրի 1.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում՝ տուգանքը հաշվարկվում է նաև պայմանագիրը սահմանված ժամկետներում կատարելու, սակայն պետական մարմնի կողմից չընդունվելու, ինչպես նաև հաշվետվությունները պայմանագրով սահմանված ժամկետներում չներկայացնելու դեպքերում:

6.3 Պայմանագրով նախատեսված ծրագրի կատարման ժամկետը խախտելու դեպքում կազմակերպությունից յուրաքանչյուր ուշացված աշխատանքային օրվա համար գանձվում է տույժ՝ պայմանագրի 1.1 կետում նախատեսված գումարի 0,05 (զրո ամբողջ հինգ հարյուրերորդական) տոկոսի չափով:

6.4 Պայմանագրի 6.2 և 6.3 կետերով նախատեսված տուգանքը և տույժը հաշվարկվում և հաշվանցվում են միջոցառման իրականացման արդյունքում կազմակերպությանը վճարման ենթակա գումարների հետ:

Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ

6.5 Պետական մարմնի կողմից պայմանագրի 4.1 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.7 Տույժերի և (կամ) տուգանքի վճարումը կողմերին չի ազատում իրենց պայմանագրային պարտավորությունները լրիվ կատարելուց:

## 7. Պայմանագրի գործողության ժամկետը

7.1. Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների՝ ամբողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

## 8. Անհաղթահարելի ուժի ազդեցությունը (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

## 9. Եզրափակիչ դրույթներ

9.1. ՀՀ օրենսդրությամբ սահմանված կարգով հաստատված դրամաշնորհային ծրագրի ոչ ֆինանսական արդյունքային ցուցանիշները հանդիսանում են պայմանագրի անբաժանելի մասը (հավելված N 5):

9.2. Կազմակերպության կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը պետական մարմինը հրապարակում է իր պաշտոնական՝ <https://mineconomy.am> կայքում՝ նշելով հրապարակման ամսաթիվը:

Կազմակերպությունը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրը միակողմանի լուծելու մասին ծանուցումը սույն կետում նշված կայքում հրապարակվելու օրը պետական մարմինն այն ուղարկում է նաև կազմակերպության

9.3. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.4. Պայմանագիրը կնքվում է 2 օրինակով՝ 14 էջից, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.5. Պայմանագրով նախատեսված պարտավորությունների չկատարման հետ կապված, ինչպես նաև պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

## 10. Կողմերի հասցեները, բանկային վավերապայմանները և ստորագրությունները

### ՊԵՏԱԿԱՆ ՄԱՐՄԻՆ

ՀՀ էկոնոմիկայի նախարարություն  
Հասցե՝

0010, ք. Երևան, Մ. Մկրտչյան 5  
Կենտրոնական գանձապետական  
գործառնական վարչություն  
Հ/Հ 900011032274  
ՀՎՀՀ 02698604

Գլխավոր քարտուղարի  
պարտականությունները կատարող՝

ԺԱՆՆԱ ԶԱՔԱՐՅԱՆ



### ԿԱԶՄԱԿԵՐՊՈՒԹՅՈՒՆ

«Գյուղատնտեսական ծառայությունների  
կենտրոն» ՊՈԱԿ

Հասցե՝

0041, ք. Երևան, Էրեբունի 12/6  
ՀՀ ֆինանսների նախարարության  
աշխատակազմի գործառնական վարչություն  
Հ/Հ 900018003872  
ՀՎՀՀ 01805817

Տնօրեն՝

ԳԱՌՆԻԿ ՀՈՎՀԱՆՆԻՍՅԱՆ



**Ծ Ր Ա Գ Ր Ի Մ Ի Զ Ո Ց Ա Ռ ՈՒ Մ Ն Ե Ր**

Դրամաշնորհի միջոցների հաշվին իրականացվող միջոցառման

Հ/Հ	անվանումը	նկարագիրը	կազմակերպության կողմից կատարման ենթակա գործողությունները	ակնկալվող արդյունքները և դրանց գնահատման չափանիշները	միջոցառման իրականացման վերջնաժամկետը	հաշվետվության ներկայացման կարգն ու ժամկետը	պահանջվող գումարը (հազար դրամ)
1	Հայաստանի Հանրապետությունում խոշոր եղջերավոր կենդանիների համարակալում և հաշվառում	Ծրագրի նպատակն է՝ կենդանիների, կենդանիների և մարդկանց համար ընդհանուր վարակիչ հիվանդություններից բնակչության պաշտպանության մակարդակի բարձրացումը, տավարաբուծության, մասնավորապես տոնային գործի, տեղեկատվական հարթակի կատարելագործումը, որի արդյունքում կապահովվի կայուն անասնախանձարակային իրախճակ կենդանիների, կենդանիների և մարդկանց համար ընդհանուր վարակիչ հիվանդությունների կանխարգելման նոր արդյունավետ համակարգի ներդրման և հետազոտության ապահովման պարագայում, որը կնպաստի կենդանիների հավասանաճանաչարակային միջոցառումների, կենդանիների սպանդի, կենդանական ծագման հումքի վերամշակման, պահեստավորման և իրացման արդյունավետության բարձրացմանը	2024 թվականին ունենալ շուրջ 24650 գլուխ խոշոր եղջերավոր կենդանիների և 170750 գլուխ ընթացիկ տարվա հորթերի համարակալված և հաշվառված գլխաքանակի վերաբերյալ ստույգ տեղեկատվություն	Կրոյունքում ակնկալվում է տարվա ընթացքում համարակալում խոշոր եղջերավոր կենդանիների՝ 1 անգամ և ընթացիկ տարվա հորթերի՝ 1 անգամ, 97% համարակալված գլխաքանակ գլխաքանակ	12/27/2024	Հաշվետվությունը ներկայացվում է Պայմանագրի 4-րդ կետով սահմանված կարգով և ժամկետներում:	136,034.4
<b>ԸՆԴԱՄԵՆԸ</b>						<b>136,034.4</b>	

**Կազմակերպություն**

«Գյուղատնտեսական ծառայությունների կենտրոն» ՊՈԱԿ

Հասցե՝ 0041, ք. Երևան, Էրեբունի 12/6

Կենտրոնական գանձապետական

գործառնական վարչություն

Հ/Հ 900018003872 ՀՎՀՀ 018005817

Տնօրեն՝

ԳԱՌՆԻԿ ՀՈՎՀԱՆ ԵՐԻՑՅԱՆ

*(Signature)*

Կ.Տ.



**Պետական մարմին**

Հայաստանի Հանրապետության Էկոնոմիկայի նախարարություն

Հասցե՝ 0010, ք. Երևան, Մ. Սկրտչյան 5

Կենտրոնական գանձապետական

գործառնական վարչություն

Հ/Հ 900011032274 ՀՎՀՀ 02698604

Գլխավոր բարտուղարի պարտականությունները կատարող՝

ԺԱՆԱ ԶՈՒԲԱՆ

*(Signature)*

Կ.Տ.

**ԴՐԱՄԱՇՆՈՐ ՀԱՅԻՆ ՀԱՇՎԵՎՈՒԹՅՈՒՆ ( 1. ԸՆԴՀԱՆՈՒՐ ՏԵՂԵԿԱՏՎՈՒԹՅՈՒՆ )**

Ծրագրի անվանում	
Դրամաշնորհի համար	
Դրամաշնորհատու	
Կազմակերպություն	
Դրամաշնորհատու	
Կազմակերպություն	
Ծրագրի իրականացման ժամանակահատված	
Հաշվետու ժամանակահատված	
Լերկայացման օր	
Հաշվետվության պատասխանատու (անուն, ազգանուն, պաշտոն)	

**ԴՐԱՄԱՇՆՈՐ ՀԱՅԻՆ ՀԱՇՎԵՎՈՒԹՅՈՒՆ ( 2. ԲՈՎԱՆԴԱՎԱՅԻՆ ՀԱՇՎԵՎՈՒԹՅՈՒՆ )**

<p>2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:</p>
<p>2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:</p>
<p>2.3 Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համատոտագրեր, հաշվետվություններ, մեղիա պրոդուկտներ և այլն)</p>



2.4 Խնդրում ենք ներկայացնել հաշվետու ժամանակահատվածում քաղաք դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

2.5 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները:

2.6 Խնդրում ենք նշել, ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են, որոնք օժանդակել են նաև ծրագրի նպատակին հասնելուն:



Հավելված 4  
 N  
 աամանատի  
 24. 01. 2024 թ.-ին կնքված  
 11 - 24  
 ՀԱՍՏԱՏԵՑ  
 Համակարգող փոխնախարար կամ նրա  
 կողմից լիազորված անձ  
 Կ.Տ՝

Կազմակերպություն  
 «Գյուղատնտեսական ծառայությունների կենտրոն» ՊՈԱԿ  
 Հասցե՝ 0041, ք. Երևան, Էրեբունի 12/6  
 Կենտրոնական գանձապահական  
 գործառնական վարչություն  
 Հ/Հ 900018003872  
 ՀՎՀՀ 01805817

Տնօրեն՝  
 ԳԱՌՆԻԿ ՀՈՎՀԱՆՆԻՍՅԱՆ  
 \_\_\_\_\_  
 1. 1



Պետական մարմին  
 Հայաստանի Հանրապետության էկոնոմիկայի նախարարություն  
 Հասցե՝ 0010, ք. Երևան, Մ. Մկրտչյան 5  
 Կենտրոնական գանձապետական գործառնական վարչություն  
 Հ/Հ 900011036812  
 ՀՎՀՀ 02698604

Գլխավոր քարտուղարի պարտականությունները կատարող  
 ԺԱՆԱ ՉԱԳԱՐՅԱՆ  
 \_\_\_\_\_  
 Կ.Տ.  
 ՊՈԱԿ N  
 ՊԱՅՄԱՆԱԳՐԻ ԿԱՆ ԴԻՎԻՄԱՆԻ ԿԱՏԱՐՄԱՆ ԱՐԴՅՈՒՆՔՆԵՐԻ  
 ՀԱՆՁՄԱՆ-ԸՆԴՈՒՆՄԱՆ



« » « » 2024 թ.

Պայմանագրի (այսուհետ՝ Պայմանագիր) անվանումը՝  
 Պայմանագրի կնքման ամսաթիվը՝ « » «հունվար» 2024 թ.  
 Պայմանագրի համարը՝  
 Պետական մարմինը և Կազմակերպությունը՝ հիմք ընդունելով պայմանագրի կատարման վերաբերյալ ներկայացված N° \_\_\_\_\_ հաշվետվությունը,  
 կազմեցին սույն արձանագրությունը հետևյալի մասին.  
 Պայմանագրի շրջանակներում Կազմակերպությունը իրականացրել է հետևյալ միջոցառումները՝

Իրականացված միջոցառման						
անվանումը	գործառնական համառոտ նկարագիրը	արդյունքը		կատարման ժամկետը		վճարման ենթակա գումարը (հազ. ՀՀ դրամ)
		ըստ պայմանագրի	փաստացի	ըստ պայմանագրի	փաստացի	

Սույն արձանագրության երկկողմ հաստատման համար հիմք հանդիսացած հաշվետվությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց՝  
 ստորագրություն  
 անուն, ազգանուն

Ծառայությունն ընդունեց՝  
 ստորագրություն  
 անուն, ազգանուն

**ԴՐԱՄԱՇՆՈՐ ՀԱՅՐԻՆ ԾՐԱԳԻ ՌԶ ՖԻՆԱՆՍԱԿԱՆ (ԱՐԴՅՈՒՆՔԱՅԻՆ) ՑՈՒՑԱՆԻՇՆԵՐԻ ԿԱՏԱՐՄԱՆ ՓԱՏԱՆԱԿԱՑՈՒՅՑ**

Նախարարության, գերատեսչության, պետական կառավարման տարածքային մարմնի անվանումը՝  
Կազմակերպության անվանումը՝

ՀՀ էկոնոմիկայի նախարարություն  
«Գյուղատնտեսական ծառայությունների կենտրոն» ՊՈԱԿ

Ծրագրի անվանումը՝

Ծրագրի համառոտ նկարագրություն	Միջոցառման ցուցանիշի անվանումը	Նախատեսվում է իրականացնել 2024 թվականի ընթացքում (ամսական)			
		I եռամսյակ քանակը	I կիսամյակ քանակը	իննը ամիս քանակը	տարի քանակը
1	2	3	4	5	6
Հայաստանի Հանրապետությունում խոշոր եղջերավոր կենդանիների համարակալման և հաշվառման միջոցառումների իրականացում	<b>Համարակալման միջոցառումների քանակը՝ հատ, այդ թվում՝</b>		<b>153400</b>		<b>195400</b>
	խոշոր եղջերավոր կենդանիներ		24650		24650
	Ընթացիկ տարվա հորիզոն		128750		170750
Հայաստանի Հանրապետությունում խոշոր եղջերավոր կենդանիների համարակալման և հաշվառման միջոցառումների իրականացում	<b>Նախատեսված անասնազվաքառակը ըստ համարակալման (%)</b>				
	խոշոր եղջերավոր կենդանիներ		97		97
	Ընթացիկ տարվա հորիզոն		97		97
Հայաստանի Հանրապետության էկոնոմիկայի նախարարություն	<b>Միջոցառումների իրականացման պարբերականությունը ըստ համարակալման (անգամ)</b>				
	խոշոր եղջերավոր կենդանիներ		1		1
	Ընթացիկ տարվա հորիզոն		1		1

**Պետական մարմին**

Հայաստանի Հանրապետության էկոնոմիկայի նախարարություն  
Հասցե՝

0010, ք. Երևան, Մ. Մկրտչյան 5  
Կենտրոնական գանձապետական գործառնական վարչություն  
Հ/Հ 900011032274  
Հ/ՀՀ 02698604



Գլխավոր քարտուղարի պարտականությունները կատարող  
ԺԱՆՆԱ ԶԵՔՐՅԱՆ

Կ.Տ.

**Կազմակերպություն**

«Գյուղատնտեսական ծառայությունների կենտրոն» ՊՈԱԿ  
Հասցե՝

0041, ք. Երևան, Էրեբունի 12/6  
Կենտրոնական գանձապետական գործառնական վարչություն  
Հ/Հ 900018003872  
Հ/ՀՀ 01805817



Տնօրեն  
ԳԱՐՆԻԿ ՀՈՎՀԱՆՆԻՍՅԱՆ

**ԾՐԱԳՐԻ ԾԱԽՍԵՐԻ ՆԱԽԱՀԱՇԻՎ**

NN	Ծրագրի գծով իրականացվող ծախսերը (ըստ բյուջետային ծախսերի տնտեսագիտական դասակարգման տարրերի)	Գումարը /հազ. դրամ/
Անվանումները		
Ա	Բ	Գ
	2. ԾԱՌԱՅՈՒԹՅՈՒՆՆԵՐԻ ԵՎ ԱՊՐԱՆՔՆԵՐԻ ՁԵՌՔԲԵՐՈՒՄ այդ թվում՝	113362.0
	2.4. Այլ մասնագիտական ծառայությունների ձեռքբերում	113362.0
	7. ԱՅԼ ԾԱԽՍԵՐ այդ թվում՝	113362.0
	7.2. Հարկեր, պարտադիր վճարներ և փոյժեր, որոնք կառավարման փարբեր մակարդակների կողմից կիրառվում են միմյանց նկատմամբ	22672.4
	- Այլ հարկեր	22672.4
<b>ԸՆԴԱՄԵՆԸ</b>		<b>136034.4</b>

**Պետական մարմին**

Հայաստանի Հանրապետության էկոնոմիկայի  
նախարարություն  
Հասցե՝  
0010, ք. Երևան, Մ. Մկրտչյան 5  
Կենտրոնական գանձապետական  
գործառնական վարչություն  
Հ/Հ 900011032274  
ՀՎՀՀ 02698604

Գլխավոր քարտուղարի պարտականությունները կատարող՝  
**ԺԱՆՆԱ ԶԱՔԱՐՅԱՆ**



**Կազմակերպություն**

«Գյուղատնտեսական ծառայությունների կենտրոն» ՊՈԱԿ  
Հասցե՝  
0041, ք. Երևան, Էրեբունի 12/6  
Կենտրոնական գանձապետական  
գործառնական վարչություն  
Հ/Հ 900018003872  
ՀՎՀՀ 01805817

Տնօրեն՝  
**ԳԱՌՆԻԿ ՀՈՎՀԱՆՆԻՍՅԱՆ**



**ԾԱԽՍԵՐԻ ԿԱՏԱՐՄԱՆ**  
**ՀԱՅՏ N \_\_\_\_\_**  
**ՀՀ ԷԿՈՆՈՄԻԿԱՅԻ ՆԱԽԱՐԱՐՈՒԹՅՈՒՆ**

«Գյուղատնտեսական ծառայությունների կենտրոն» ՊՈԱԿ \_\_\_\_\_ 900018003872  
 (կազմակերպության անվանումը) (հաշվի համարը)

Բաժին04 Խումբ02 Դաս01 Ծրագիր 22 \_\_\_\_\_ 2024  
 (դասակարգում) (ամսաթիվ)

**1116. «Անասնաբուժական ծառայություններ»**  
 (ծրագրի անվանումը)

Հ/Հ	ԾԱԽՍԻ ԱՆՎԱՆՈՒՄԸ	ՀՈԴՎԱԾ	ԳՈՒՄԱՐ
ԸՆԴԱՄԵՆԸ			

Առաջին կարգի ստորագրություն՝ \_\_\_\_\_

Երկրորդ կարգի ստորագրություն՝ \_\_\_\_\_

Կ. Տ

Ծանուցում. *սույն հայտը ուժի մեջ է պահանջվող ֆինանսավորման մասին մանրամասն հաշվարկ-բացատրագրի առկայության դեպքում*

Պետական մարմին

Կազմակերպություն

Հայաստանի Հանրապետության էկոնոմիկայի նախարարություն  
 Հասցե՝  
 0010, ք. Երևան, Մ. Մկրտչյան 5  
 Կենտրոնական գանձապետական գործառնական վարչություն  
 Հ/Հ 900011032274  
 ՀՎՀՀ 02698604

«Գյուղատնտեսական ծառայությունների կենտրոն» ՊՈԱԿ  
 Հասցե՝  
 0041, ք. Երևան, Էրեբունի 12/6  
 Կենտրոնական գանձապետական գործառնական վարչություն  
 Հ/Հ 900018003872  
 ՀՎՀՀ 01805817

Գլխավոր քարտուղարի պարտականությունները կատարող՝  
 ԺԱՆՆԱ ԶԱՔԱՐՅԱՆ

Տնօրեն՝  
 ԳԱՌՆԻԿ ՀՈՎՀԱՆՆԻՅԱՆ

